

Surat khabar: Utusan Borneo ( Berita Iban )

Hari/Tarikh: 1/10/2013

Muka surat: 9

Tajuk : Seraban Pemuzik Ari Unimas Mujur Mantai 'Apai Saloi The Puppet Show'.

## Seraban pemuzik ari Unimas mujur mantai 'Apai Saloi The Puppet Show'

**KUCHING:** Sebuah cherita kelulu bansa Iban ke tebilang ti dikumbai Apai Saloi, udah dibantai seraban nemiak muzik ari Faculty of Applied and Creative Arts Universiti Malaysia Sarawak (Unimas) kena Hari Lima tu tadinengah 'Apai Saloi The Puppet Show' ke diatur ba faculty's Experimental Theatre.

Pengawa mantaika cherita kelulu nya diasailka ketua projek, Laura Pranti Tutom, mandangka sebhengkah main rayat nengah lagu enggau muzik ke jenaka sereta ngembuan pesan ke manah ngagai bala nemiak mit.

Anak patung ke nge-lakun cherita nya udah diiri enggau chara ke baru ngambika engkeman enggau gaya pengidup ke diatu.

Ku Dean, Associate Professor Dr. Hasnizam Abdul Wahid, pengawa mantaika cherita kelulu Apai Saloi nya sebhengkah ari tanggung-pengawa rama dikena ngintu adat asal ke udah tinggal.

"Arapka nengah pengawa tu, nemiak rebak baru belajar sekeda pekara ke manah," ku iya.

Pengawa mansutka cherita nya betu aika direktor/penulis skrip, Laura enggau Dr. Anna Durin, direktor muzik, Drs. Yoesbar Djaelani lalu anak patung enggau kereban ke

bukai nya digaga Syaryfah Fazidawaty.

Pengawa mantaika nya mega mandangka artis ari fakulti pengelandik ba muzik, chara lakun enggau kereban ke digaga nya udah ngemegahka ati orang ke bisi datai mayanya.

Sege nap sesi nya dibantaika ngelama 45 minit. Jaku ke dikena iya nya jaku English, ukai semina meri lalau ngagai nemiak mit di menua Malaysia aja tang mega ba tikas antarabansa.

Cherita kelulu nya nyerita dua melaki bini bisi enggau seiku anak seduai ke diau ba rumah panjang. Bepelasarka penerang pansik ke digumpul Dr. Anna, Apai Saloi nya seiku orang ke tambap sereta lurus ati.

Penambap nya nyadi ba batang pengidup iya ninting hari ti ngujungka iya suah bulih penusah. Penambap ke dikembuan iya nya udah ngasaka ati bini iya, Indai Saloi enggau anak iya ke benama Saloi.

Bisi sekali lebu h Indai Saloi balat endar ringat, iya ngulihka tinga ari ngeli Apai Saloi sereta ngenahka nya nyadi lauk iya kena pagi hari siti.

Serak lagu enggau komik sereta anak patung nya udah ngaga sereta ngelika ati nemiak mit enggau orang besai tuai.